



Bosna i Hercegovina  
Federacija Bosne i Hercegovine  
Kantonalno tužilaštvo  
Kantona Sarajevo

Broj: T09 0 KT 0196284 24  
Sarajevo, 27.11.2024. godine

**HITNO-PRITVOR!**

**KANTONALNI SUD U SARAJEVU**  
**- Sudiji za prethodno saslušanje -**  
**S A R A J E V O**

Na osnovu člana 45. stav 2. tačke i) i člana 241. stav 1. Zakona o krivičnom postupku F BiH,  
**p o d i ž e m:**

**OPTUŽNICU**

**Protiv:**

**DŽENANA JAHIĆ**, rođena 1976. godine, nastanjena na adresi ....., po narodnosti Bošnjakinja, državljanica BiH, JMB ....., po zanimanju domaćica, nije zaposlena, udata, majka jednog djeteta, pismena, završena SSS, nije služila vojni rok, ne vodi se u vojnoj evidenciji, nije odlikovana, lošeg imovnog stanja, **neosuđivana, nalazi se u pritvoru po Rješenju Kantonalnog suda u Sarajevu od 09.10.2024. godine, koji pritvor može trajati do 09.12.2024. godine ili do nove odluke suda.**

**Što je:**

Dana 11.09.2024. godine oko 03:25 sati u Sarajevu, u stanu na adresi ....., opština Novi Grad, u stanju neuračunljivosti, zbog paranoidnog psihotičkog duševnog poremećaja/diferencijalno-dijagnostički paranoidne šizofrenije ili perzistirajućeg sumanutog poremećaja, prišla suprugu S.J., koji je u tom momentu spavao na ugaonj garnituri u dnevnom boravku, držeći u ruci nož sa crvenom drškom dužine 10,50 cm i dužinom oštrice 14 cm, kojim nožem ga je više puta ubola u predjelu vrata, grudnog koša i ruku, uslijed kojih zadobijenih tjelesnih povreda je kod S.J. nastupila smrt, a koja smrt je uzrokovana iskrvarenjem iz ubodne rane grudnog koša.

**Dakle**, u stanju neuračunljivosti Jahić Dženana drugog usmrtila na okrutan način,

**Čime bi, u stanju neuračunljivosti** počinila protivpravno djelo Ubistvo iz člana 166. stav 2. tačka a) Krivičnog zakona Federacije BiH.

**Na osnovu člana 242. stav (3), a u vezi sa članom 151. stav (2) i člana 410. stav 2. Zakona o krivičnom postupku Federacije BiH, Kantonalno tužilaštvo Kantona Sarajevo, podnosi prijedlog da se prema Jahić Dženani, u skladu sa članom 146. stav (1) tačke c) i d) Zakona o krivičnom postupku Federacije BiH produži mjera pritvora** zbog postojanja osnovane sumnje da je u stanju neuračunljivosti počinila protivpravno djelo Ubistvo iz člana 166. stav 2. tačka a) Krivičnog zakona Federacije BiH.

**KANTONALNI TUŽILAC**